



Шочмо эл, порылык да чын верч!

Будь готов!

14-ше (3558) №,
2022 ий 8 апрель,
кугарня.



Ямде лий

1933 ий 1 февраль годсек лектеш.

0+

«Вараксим» сценыште – сентымаш кидыште



Авторын фотожо.

31 март гыч 3 апрель марте Йошкар-Олаште «Михаил Мурашко йолташыже-влакым үжеш» тўнямбал фестиваль-конкурс лўымшо гана эртаралтын. Тушко Российын 25 регионжо гыч куштышо коллектив-влак чумыргеныт. Тений фестиваль-конкурс Михаил Мурашкон 80 ияш лўмгечыжлан да усталык

корнышто 60 ий тыршымыжлан пўлеклалтын. Ты гана кугу тўткышым марий калыкын куштымашыжлан ойыргеныт.

Ныл кечаш фестиваль ик шўлыш дене эртен. Кажне коллектив шке сымкытышж дене палдарен да вес калыкын куштымашыжым ончыктен. Теве Шернур посёлкысо «Ласточка» вокально-хореографический ансамбль (снимкыште) ныл куштымашым аклымашке луктын. Кыдалаш группыш коштшо ўдыр-влак «Чибатуха», «Тропинка» куштымашла, а кугурак ийготан-шамыч

Фестиваль-конкурсш 51 коллектив, 23 дуэт ден шкет куштышо, 9 хореограф-постановщик ушненыт. 11 тагасыште мастарлыкыштым ончыктеныт.

«Луй модеш» да руш калык куштымаш-влак дене куандареныт. Кыдалаш группыш коштшо-шамыч шке тагашышт-влак коклаште сенышыш лектыныт.

Нунылан икымше степенян дипломым кучыктеныт. Вуйлатышышт – В.Н.Ешпатрова.

– *Куштымаш – ильинан ик весела татше. Ме кажне конкурсыш кумьлын ушнена. Куштымашыш уло чоннам тыштен, шоньмашинам жюри да ончыш-влак дек намиен шукташ тыршена,* – ойлат ўдыр-влак.

Е.ИВАНОВА.

ПОДПИСКЕ

14 апрель марте 2022 ийын кокымшо пелийжылан «Ямде лий» газетлан шулдырак ак – **335 тенгеат 52 ыр** – дене возалташ вашкыза.

Индекс – П4696.

Рекламе.

Келге шинчымаште - вий



2 апрельште Москошто литератур дене Всероссийский олимпиадын пытартыш йыжынже эртаралтын. Тушто элнан 84 регионжо гыч 309 тунемше уш-акылжым терген. Йошкар-Оласе Т.В.Иштрикова лүмеш «Синяя птица» гимназийын 10-шо классыштыже тунемше Александра ЛЕСИКОВА (снимкыште) Марий Элын чапшым арален да сенгыше-влак радамыш лектын. Олимпиаде кум тур гыч шоген.

– Кокымшо турын заданийже-влак моткоч неле лийыныт. Кумшо турышто историй дене кылдалтше

йодыш-влак логалыныт. Вуйым чот пудыратылаш пернен. Мыланем историй урокышто налме шинчымашем полшен. Гимназийште гуманитарный дисциплина-лам тунуктышо-влакклан – кугу тау, – ойла Александра.

Х.АЛЕКСАНДРОВА ямдылен. Фотом Интернет гыч налме.

Тунемше-влакын всероссийский олимпиадыштын пытартыш йыжынже 24 предмет дене Российын лу регионьшто 30 апрель марте эртаралтеш. Марий Эл гыч 21 тунемше 21 предмет дене шинчымашыжым терга.

Историйым шергалына

1945 ий 9 апрельште маршал А.М.Василевскийын вуйлатыме войскаже Восточный Прусский рй-долажым, Кенигсберг (кызыт российский Калининград) ола-орым, сенен налын. Тидын лүмеш Москваште 324 орудий гыч 24 залпан тулсавыш лийын.

1945 ий 13 апрельште маршал Ф.И.Толбухинын вуйлатыме войскаже-влак Австрийын рй-долажым – Венам – фашист тйшка деч утарен.

Увер

Пагалыме ача-ава да йоча-влак! 1 апрель гыч Марий Элыште йоча **ўшан телефон** сутка мучко пашамышта. Неле илыш йогыныш логалында гын, **8-800-2000-122** номеран телефон дене ярайынгыртен (кўчык номер – **124**), полшышым налын кертыда.



Тунеммаште нелылык лектын, ача-ава, тунуктышо, пырля тунемме йолташ-влак дене улыдымаш уло гын, ийготыш шудымо икшыве-шамычлан психолог полшышым да кагашым пуа.

Шымлыме пашалан шўман

Снимкыште Советский район Орша школын 4-ше классыштыже тунемше Яна Репинам ужыда. Изи ўдыр изинек шымлыме пашалан шўман кушкеш. Тўналтыш класслам тунуктышо И.Ю.Ведерникован вуйлатымыж почеш В.Г.Новиков лүмеш «Творчество. Познание. Труд» V республикысе шанче-практике конференцийышке ушнен. «Технология» секцийыште 1-4-ше класслаште тунемше-влак коклаште кумшо верым сенен налын.

Уверым школын сайтше гыч налме.

Фото – школын архивше гыч.



Российысе увер

«Жить вместе» поро кумылым ончыктышо фондын премийже верч конкурсым увертареныт. Проектым возыман да пашам **1 июнь марте** колтыман. Тўрыс уверым **premiavmeste.ru** сайтыште ончыман.

14-35 ияш возкалыше-влак, «Алый парус – Открытые горизонты» всероссийский конкурсышко ушныза. Постым, статья, ойлымашым возыза да **parus.kp.ru** сайтышке **30 июнь марте** колтыза але «ВКонтакте» соцкылысе «Алый парус» тўшкаш верандыза.

«Читаем А.С.Пушкина» тўнямбал видеоролик конкурс эртаралтеш. Серызын сылнымут пашажым шкетын, еш дене але тўшкан лудман. Видеом «ВКонтакте» соцкылысе тўшкаш (vk.com/chitaempushkina) **15 май марте** колтыман.

Марий Элысе увер

22 апрельште С.Г.Чавайн лүмеш Национальный книгагудышто «Ший талешке – тукым-влакым ушышко кыл» республикысе конференций эртаралтеш. Шымлыме пашам **mari-centr_konkurs@mail.ru** адрес дене электрон почтыш **15 апрель марте** колтыман.

Т.Евсеев лүмеш Национальный тоштер кажне кумылан энган «Экологий – Лўдыкшыдымылык – Илыш» регион-влак кокласе фестиваль-конкурсым эртара. 16 ияш марте йоча-влакын фотоштым посна аклаш тўналыт. Тўрыс увер – **fumus.ru** сайтыште.

Республикысе марий тўвыра рўдер «Сенгымаш корно дене» усталык конкурсыш 14-35 ияш ўдыр-рвезе-влакым ушнаш ўжеш. Йодмашым да пашам **mari-centr_konkurs@mail.ru** адрес дене электрон почтыш **30 апрель марте** колтыман.





– Школышто сайлымаш эртаралтын. Эң ончыч агитацый кампаний лийын: ме, кандидат-влак, тунемше-шамыч дене вашлийын, шкенан нерген каласкаленна, ончыкыжым ыштышаш пашана дене палдаренна. Мый вучыдымын эн шуко йүжым поганам. Тидлан моткоч öрынам. Чонышто тургыжланымаш лийын, – ойла чолга ўдыр.

Кызыт Паулинан вачүмбалныже – кугу сомыл: ўдыр-рвезе-влакым шкеж гаяк чолга лияш тараташ. Марий ўдырлан лидер койыш-шоктышым ви-

Школын президентше

1-ше номеран Шернур школын 9-ше классыштыже тунемше Паулина АБРАМОВА (снимкыште) – школын президентше. Тунемше-влакын самоуправленийыштым вуйлаташ тиде тунемме ийыште ўшаненыт.

яндаш «Импульс» республикысе лагерьыште лиймыже полшен. Тудо «Миг» лидер школышто келге шинчымашым налын: чын кутыраш, калык дене пашам ышташ тунемын. Тидын дене тунемше-влакымат палдараш шона.

– РДШ-лан көра мый ең-влак дене чоным почын кутыраш, нунын дене кылым куштылгын ышташ, иктаж-мом ум, ойырте-малтшым шонен лукташ тунемынам. Тиде ончыкылык илышыште моткоч пайдале, шонем, – ойла Паулина.

Марий ўдыр ончыкыжым туныктышо але юрист лияш шона, садлан кызыт экзаменым кучаш кыртмен ямдылалтеш. Историй дене кылдалтше ятыр книгаг лудеш, докумен-

тальный кино-влакым онча. Шукерте огыл М.Зыгарын «Вся кремлёвская рать» книгажым лудын.

Тушто Россиянын кызытсе историйже нерген ойлалтеш. Ўдыр-рвезе-влак, тыландат лудаш темла.

Изи ошкыл – кугу сенымаш



Х.АЛЕКСАНДРОВА.

Фотом еш архив гыч налме.

Увер Волжск олесе «Счастливый билет» волонтер отрядын еңже-влак Дарья Пупкина ден Ярослав Егоровлан Россия Президент В.В.Путинын кидпалан грамотым да «За бескорыстный вклад в организацию Общероссийской акции взаимопомощи #МыВместе» медальым кучыктеныт.

Школыштына илыш куткышуэ семын шолеш. Пытаргыш ийлаште кугу мероприятийым эртараш йөн лийын огыл гынат, ме яра шинчен огынал. Туныктышына-влак онлайн конкурс

ден акциялашке (снимкыште) ушнаш кумылагденыт. Ме Школьник-влакын россияйсе толкыныштын ужашыже улына. Койыш-шоктышына дене ойырте-малтына гынат, чыланнам шочмо эл – Россия –

уша. Туныктышына-шамыч элысе илыш дене кажне кечын гаяк палдарат: «Герои нашего времени» серийный урокым эртарат. Украиньште спецоперацийыште патырлыкым да лүддымылыкым ончыктышо ең-влак дене палдарат. Түрлө жапыште элым аралыше салтак-влак нергенат каласкалат. Патриот шүльышым чонышкына эреак шындарат.

Максим ЛАПИН.
Параньга,
Кугу Пумарий.

Фотом школ архив гыч налме.



Чолгам кушта

Мый изинек түрлө конкурсышто мастарлыкем тергем. Почеламутым сылнын лудаш, сочиненийым, проектым возаш кумылан улам. Школьник-влакын россияйсе толкыныштык икмыняр ий ончыч ушненам. Тушто түрлө велым виянаш ятыр йөн уло. Мыланем информационно-медийный направлений утларак лишыл. Ончыкыжым проект пашам келгынрак возаш тунемаш шонем.

Звенигово, Шолэнгер.

Юля ПЕТРОВА.

Шочмо эл уша




Фотом школ архив гыч налме.





«Соқыр» теннис

Ўстембал теннис дене кө модын огыл!! Тудым изижат, кугужат йоратат. Эсогыл начарын ужшо, соқыр ег-влаклат тыгай модышым шонен луктыныт. Тудо шоудаун маналтеш. Шоудаунын «ачаштлан» Канаде гыч Джо Льюис ден Патрик Йорк шотлалтыт. Спортын тиде видше нерген Нидерландысе Арнем олаште 1980 ийыште эртаралтше Паралимпийский модмаш деч вара пүтынъ тўня пален налын.



Фотом школ-интернатын архивше гыч налме.

Йошкар-Ола воктене верланыше Савино школ-интернатыште шоудаун дене куд ий модыт. Тиде кружокым С.Е.Короткова вуйлата.

– Шоудаун начарын ужшо але соқыр икшыве-влаклат шукырак тарванылаш, ушакылым вияндаш полша. Йоча-шамыч шонымашкышт шуаш, пашам кыртмен ышташ тунемыт, – ойла Светлана Евгеньевна.

Шоудаун теннис ден аэро-

хоккейым ушымо дене шочын. «Соқыр» теннис дене модаш лўмын келыштарыме авыртышан ўстел, «мурышо» изи мече, кужурак кутышан пу ракетке, парняшан пижерге, шинчам петыраш маске (чылан иксемын огыт уж) кўлыт. Ўстельште кок могырым мешак сынан капка уло. Тушко мечым пуртыман. Модшо-влак огыт уж, садлан мечын кушто улмыжым йўк дене палат. Ўдыр-рвезе-шамычын модмыштым судья эскера.

– Начар ужшо-влакат тале спортсмен лийын керттыт. Нуно пўсө ушан, писын тарванылше, таза капкылан улыт. Йоча-шамычлан виянашышт школ-интернатыште чыла йўным ышташ тыршена, – ойла С.Е.Короткова.

Х.АЛЕКСАНДРОВА.

Сенышыш лекме



Фотом школ архив гыч налме.

Йошкар-Ола воктенысе «Корта» тунемме да тренировкым эртарыме базыште ече дене спорт туризмын Марий Эл Республикысе первенствыже эртаралтын. Тагасымашке Арбор школын тунемшыже-влакат ушненна. Команде дене (снимкыште)

кокымшо верым сенген налынна. Мыланна медаль ден дипломым кучыктеныт. Физкультурым туныктышо Людмила Николаевна Семёновалан кугу таум ойлена.

Максим ИВАНОВ.

Марий Турек, Арбор.

Увер

Йошкар-Оласе Андре Мальро лўмеш 26-шо номеран гимназийын ўдыр-влак командыже «Кэс-баскет» школ баскетбол лигын Юл кундем федерал округысо чемпионатыштыже Марий Элын чапшым арален да **кокымшо верыш** лектын. Ўдыр-влак 3-9 апрельыште Угарман кундемыште эртаралтше суперфиналыште вийыштым тергат.

Тиде гимназийынак тунемшыже **Богдан Белоусов** Суздаль олаште эртаралтше **всестилевой карате** дене Тўнямбал первенствыште да чемпионатыште икымше верым сенген налын. Тагасымашке 1500 спортсмен ушнен.

Кугешнена

Октябрьский посёлкышто корэш дене Марий Эл Республикын первенствыже да чемпионатыште эртаралтыныт. Тушко Чуваш, Татарстан республикла гыч спортсмен-влак ушненыт. Коркатово лицейын тунемшыже-влак Д.Хасанов (3-шо кл.), А.Иванов (9-ше кл.) шке тагашышт-влак коклаште икымше лийыныт. К.Иванов ден И.Иванова (8-ше кл.) кокымшо верыш лектыныт. Ме нунын дене кугешнена.

В.СМИРНОВ.

Морко район.

Сўретыште мо уто да молан!



«Йоратымаш, Умылымаш, Чытымаш»

Ожно ик ялыште шүдö еган еш илен. Тушто ны вурсе-дылмаш, ны кучедалмаш нигунам лийын огытыл. Тидын нерген увер Он деке миен шуын. Он, ты ялыш толмеке, йырым-йыр арулыкым, ласкан кутырымым, келшен, улылен, пырля-пашам ыштен илымым ужын, моткоч öрын. Тунам тудо суртоза деч еш илышын секретшым йодын. Илалше суртоза чытырыше кидше дене кужу жап возен. Он кум мутым улылен: «Йоратымаш, улылымаш, чытымаш». «Шүдö гана йораташ, шүдö гана улылаш, шүдö гана чыташ», – мучаште палемдыме лийын. Он моткоч öрын. «Тиде еш илышын да тынысын негызше», – ешарен илалше суртоза.

Марий йулам жаплат

Башкортостан Республик Мишкан районысо Тынбай ялыште илыше Абдулинмыт (снимкыште) еш дене палыме лиймеке, нуно еш илышын секретшым раш палыше улыт, шоналтышым. Галина Валериевна ден Валентин Виляминович эн кугу пиаллан икшывым да ешыште улылымашым шотлат. Ушнымыштлан латиндеш ий темеш. Кум шочшышт уло. Дин лүман эргым ашнаш налыныт да йол үмбак шогалтеныт. Тудо кызыт посна лектын. Г.В.Абдулина ял шотан илемыште специалистлан пашам ышта. Пелашыже Йүдвельш вахте дене коштеш. Нуно марий пайрем йулам жаплен илат. Сурт озанлыкым кучат, ятыр вольыкым ашнат.

– Ялыште илышын вјта тич вольык, пакчасаска лыҥ лийшаш. Тыге улылтарен, пашалан туныктен, мемнан йоча годсек куштеныт, – ойла суртоза В.В.Абдулин. – Мландына уло. Пашам куштылемдаш маньын, техникым шке наледыме. Кеч-могай пашам ик ой дене ыштена.

Ачан тун полышкалышыже Денис гын, Яна ден Даяна авашт пелен кухнышто утларак жапым эртарат. Абдулинмытын йоратыме коч-

кышышт – подкогыльо. Галина Валериевна руашым нöштылеш, удыр-влак турлат. Тутло сий үстелтöрыш ешым чумыра. Теле кастене кидпаша чоным ырыкта. Г.В.Абдулина икшыве-вла-



кым марий калыкын тывыраже, йулаж дене палдара. Тудын кидыште тыглай шуртö гыч турлö арвер шочеш. Родо-тукумжым пижергым, носким пидын чикта. Чевер мулине гыч марий тур марий вургемым сöрастара.

Кум йоча – кум турлö

Икшыве-влак ава гай чолга, ача гай чулым улыт. Кугурак удырышт – Яна – Тынбай школын 11-ше классыштыже тунемеш. Школышто кугурак классласе ушемын вуйлатышыже, баскетбол дене «Атлет» школ командын капитанже, «Отряд



добрых дел» волонтер отрядын активистше. 2021 ийыште «Саскавий» регионсо конкурсышто кумшо верым налын. Ончыкылык илышыжым медицине дене кылдынеже. Даяна ты школын 9-ше классыштыже тунемеш. Тудо, очыни, артистке лиеш. Тынбай клуб пеленысе «Рвезылык» ансамбльыш коштеш. Турлö сценкыште, спектаклыште тун рольым Даянлан ушанат. «Илыше классике» конкурсышто кажне ийын сегышыш лектеш. 7-ше классыште тунемше Денис кок акаж дечат мастарлыкым чинче семен пога. Ече дене изинек коштеш. Мини-футболла талын модеш. А тавалтен колта гын, пурак веле тургалтеш. Денис – «Шонанпыл» ансамбльын чолга участникше.

– Йоча-влакын изиракышт годым еш команде дене турлö спорт таңасымашке ушненна. Кызытат эртертышышт лияш тыршена. Мемнан полыш киднам шочшына-влак эре шижышт маньын тыршена, – ойла Галина Валериевна.

Еш – эн шерге пиал. Йоча-влаклан – шокшо помыш, чон пыжаш, ача-авалан – ласкалык, куан. Тек кажне суртышто йоратымаш, улылымаш, порылык озаланат.

Е.ИВАНОВА.
Фотом еш архив
гыч налме.






Мо тыгай тўвыра поянлык? Мыйын шонымаште, тиде тукум гыч тукумыш куснышо йўла, ойпого, калык вургем... Тендам икшыве дене кылдалтше тўрлө йўла дене палдарынем.

Марий калыкын шонымыж почеш, изи йочам мокташ огеш лий. Мотор мутым каласыме олмеш мөнгешла ойленит: «Важык шинчан. Изи сөснаиге. Ой, могай лоптыра неран». Икшыве ўмбақ шўвалынат колтеныт.

Йочан ўпшым идалык марте тўредаш ок йөрө. Тўредмеке, тудым аралаш пыштеныт. Кўчымат вашкўзө дене идалык марте пўчкын огытыл. Ава пўйжө дене пурын. Йоча гоч вончаш ок лий – икшыве лочеш кодеш,



Калыкыште тыгай ой аралалт кодын: «*Азам ачажын йол йырже кум гана савырет гын, ик ганат шинча ок воч*». Коркашке тулшолым, ломыжым пыштеныт да тыге ойленит: «*Кунам тиде тулшоллан енын шинча-йылме возеш, тунам иже (йочан лўмжө) енын шинча-йылме вочмо перныже. Тьфу! Ломыжлан кунам енын шинча-йылме возеш, тунам иже (йочан лўмжө) енын шинча-йылме вочмо перныже. Тьфу! Тьфу! Тьфу!*» Ме ынде палена: шинчавочмым шөрымаште марий-влак тул ден вўдым кучылтыныт. Эчан кочам тидын шотышто тыгерак ойла: «*Икшывым ончынет гын, ик*

Марий семўзгар

«**Шиялтыш**» шомак «шиял-таш» мут гыч лектын. Калык арам огыл тыге мурен: «Шем шаленге шиялталеш – пашаш каяш жап шуын...» Шиялтыш кок тўрлө лиеш: йожек да тореш пўчмө. Нуно йўкышт да кугытышт дене ойыртёмалтыт. Ожно тиде семўзгар дене 20 июль гыч 14 сентябрь марте (тошто календарь почеш) шокташ лийын огыл. «Шоктет гын, кўдырчө пера але кинде начар шочеш», – манынит. Марий кундемыште П.Тойдемар, А.Воронцов, П.Тупанов, А.Малинин шиялтыш дене устан шоктеныт да тудым уэмдымаште тыршенит. Кызыт марий шиялтыш олмеш немыч блок-флейтым кучылтыт.



Таза йочам кушташ манын

манын шоненит.

Икшыве-влаклан вашке шинча возеш, садлан ава ден кова-влак нуным йолгокла гыч колтеныт. Тыгак кидвургеш чевер шўртым кылденит. Шуко ег погынымо годым сангашке шўчым йыгеныт. Шинчавочмым шөраш кўмыжсовла мушмо вўд дене шўргым ниялтеныт але, кум шырпым ылыжтен, памаш вўд дене тул гоч пўргалыныт.

Калыкыште тыгай ой аралалт кодын: «*Азам ачажын йол йырже кум гана савырет гын, ик ганат шинча ок*

воч». Коркашке тулшолым, ломыжым пыштеныт да тыге ойленит: «*Кунам тиде тулшоллан енын шинча-йылме возеш, тунам иже (йочан лўмжө) енын шинча-йылме вочмо перныже. Тьфу! Ломыжлан кунам енын шинча-йылме возеш, тунам иже*

«*Йочан лўмжө) енын шинча-йылме вочмо перныже. Тьфу! Тьфу!*» Ме ынде палена: шинчавочмым шөрымаште марий-влак тул ден вўдым кучылтыныт. Эчан кочам тидын шотышто тыгерак ойла: «*Икшывым ончынет гын, ик*

Российысе калык-влакын тўвыра поянлыкышт идалыклан пөлеклалтше конкурсыш пурышо паша.

кидыш-тет тул лийже, вес кидыште – вўд».

Пўй лекме годымат тўрлө йўлам шуктеныт. «*Икымше пўй тошто тылзе годым лектеш гын, йоча пиалан лиеш. У тылзе годым шочеш гын, пиалым шагалрак вучыман*», – манынит. Лектын вочшо шөрпўм луктын кудалтен огытыл: кинде шултышыш пыштеныт да пийлан пукшеныт. Тыгодым тыге ойленит: «*Пий пўй гай пенгыде лийже*».

Йоча кошташ тўналмыж годым лўдын гын, кепшылым руэныт. «*Йочан йолжо кандыра дене пўтырналтын*», – манынит. Садлан кандырам товар дене руаш але кўзө дене пўчкаш кўлын. Пөрт покшелан пучымыш көршөкым але тичмаш вўдан ведрам шынденит. Икшывым йырже кум гана пөрдиктеныт. Тыгодым ава икшывым вўден, вес кугыен «Кепшылым руэм, кепшылым руэм, ынде кошташ тунем» манын, кандырам руэн.

Марий калык, тўрлө йўлам шуктен, таза, пенгыде капкылан, ешым чумыраш йөршө йочам куштен. Арам огыл ойлат: «*Йоча – еш энертыш*».

Есения ЕГОШИНА.

У Торъял, Немда.

Куаш тунемым

Евдокия кугезе ковамын вынер куымо станже Юлия кокам дене аралалтеш. Станым сайын төрлымө. Кокам, келшыше шўртым налын, кўвар шартышым ямдылен. Тудын тыршымыжым ончен, мыйынат куаш тунемаш кумыл лектын. Марий тувырым чиен, кокам дек миенам (снимкыште). Тудо мыланем радам дене умылтарен. Тунем шуынам. Кокамлан тунемше-влаклан кружокым почаш темленам.

Марина СТЕПАНОВА.

Волжский, Упшер.



Фотом еш архив гыч налме.

Россий Федерацияысе цифровой виангмаш, связь да массовый коммуникаций министерствын окса польшыж дене лукмо.



Кайык пайрем

Шернур район Шұдымарий йочасадыште кайыклар пөлеклалтше пайремым Шокшем Памаш библиотекем вуйлатыше Л.С.Журавлева онайын эртарен. Йоча-влак (снимкыште) палыме шулдыран йолташышт-шамыч нерген почеламутым каласкаленыт, мурым муреныт. Людмила Семеновна түрлө кайык нерген палдарен. Икшыве-влак келшыше кайыкым ойырен сүретленыт. Мучашлан «Куэрыште – кайык-влак» пырдыжгазетым келыштаре-ныт. Л.С.Журавлевалан таум ойлена да вес вашлиймашым вучена.

Богдан СОЛОВЬЕВ ден коваже Л.В.СОЛОВЬЕВА.

Фотом йочасадын архивше гыч налме.

Пошкудем - артист

Марий Эл Республикын сулло артисткаже Елена Мочалова – мыйын пошкудем. Тудо М.Шкетан лүмеш Марий национальный драме театрыште пашам ышта. Елена Геннадьевна ятыр рольым чонен. Артистке тыгак театрын тоштержым вуйлата. Марий Эл радиожы «Шкетан театрыште – антракт» передачым устан вұда. Марла моткоч сылнын да яндарын кутыра. Тыге чучеш, пуй-то пошкудем воктенем шинча. Усталык пашаштыже сенымашым тыланем.

Юля ЯГОДАРОВА. Советский, Кельмаксола.

8 апрель – Кайыкым сүретлыме кече.

1 гыч 94 марте точко-влакым ушыза. Могай кайык лекте? Сүретым чиялтыза.



М.Шкетан лүмеш Марий кугыжаныш драме театр		РЕКЛАМЕ.	
АПРЕЛЬ			
7	из 18:00	ПРЕМЬЕРА ТЕРГЫШЕ / Ревизор	Н. Тогобай
9	шм 16:00	ШИЙ ПАМПАЛЧЕ / Мюзикл / Серебряная Пампалче	С. Янукова
10	рш 11:00	КАША ИЗ ТОПОРА / Сказка на русском языке	Г. Датышева
10	рш 16:00	БАВАЙ / Ба	Ю. Тупикина
13	вр 18:00	ЭРГЫМАН КУЗЫК / Трагикомедия / Призано для сына	М. Рыбакон
14	из 18:00	САЛИКА / Музыкальный комедий	С. Николар
15	кг 18:00	АВА КАПИТАЛ / Материнский капитал	В. Матвеев
17	рш 16:00	ТОРЕШВАТЕ / Комедий / Украшение строптивой	У. Шекспир

КАССЕ (8362) 78-13-78 SHKETAN.RU

Шулдыран йолташ

Ура-а-а! Кундемшыкына шошо пагыт толын. Пөрт ончылысо пуштыгыш мочол шырчык погынен! Нунат шошылан йывыртеныт. Ачам дене коктын сакалыме шырчык омарташ илаш пуреныт. Сылне мурышт дене мемнам куандарат. Изиш лиймеке, нуно игым пүктен луктыт. Тыгодым шулдыран йолташ-влакым эскераш пеш онай.

Даша КУШАКОВА.

Морко, Коркатово.



Женя пийым эмлаш мнен.

– Пийэт ынде огеш коршто? – ача эргыж деч йодеш.

– Ол пале, доктор

тудым шканже коден.



«Ямде лий» газет
Түн редактор
Л.Н.ГРИГОРЬЕВА.
Индекс: П4696.
Тираж 1550 экз. Заказ
Формат – А-4-8.

https://vk.com/yamde_lii
<https://ok.ru/yamdelii>
E-mail: yamde_lii@mari-el.ru
(документ кагазлан),
yamde_lii@mail.ru
(автор-влаклан)
Сайтын адресше: yamdelii.rf

УЧРЕДИТЕЛЬ-ВЛАК: Марий Эл Республикысе культуру, печать да калык-влакын пашашт шотышто министерстве, «Кугарня» газет» кугыжаныш унитарный казна предприятий.

Газетым редакцийыште погымо да верстатлыме, «Марий Эл Республикысе Правительствын типографийже» ООО-што ямде оригинал-макет гыч савыктыме. Типографийын адресше: 424000, Йошкар-Ола, Комсомольский урем, 112.

Газетым Кыл, информационный технологий да массовый коммуникаций сферым эскериме шотышто федеральный службын Юл кундем федеральный округысо управленийыштыже регистрироватлыме.
Номер – ПИ № ТУ52-01335,
2021 ий 29 сентябрьыште пуымо.

0+

Печатьыш пуымо жап –
14-00,
фактически – 13-00

Авторын да редакцийын шонымашышт түрлө лийын кертыт. Серыш-влак мөнгеш огыт колталт.
Ак – кутырен келшыме почеш.
Редакцийын да издательнын адресше:
424006, Йошкар-Ола, СССР Вооружённый Вийын 70-ше идалькше урем, 20-шо пөрт.
Тел. 8(8362) 45-22-82(факс)



Полина АЛЕКСЕЕВА.
Морко, Коркатово.



Николай
ДУБИНИН.
Оршанке,
Марий Ернур.



Лиза
ШАБДАРОВА.
Йошкар-Ола.



Конкурс

Андрей ШУРМЕТОВ.
Татарстан,
Агрыз, Буймо.

Сандалык дене кылдалтше шомак-
влакым муза.

К	С	К	Г	К	Т	В	К	М	В	Ю	М	Д	А
О	А	О	А	О	Е	О	О	Л	Е	П	А	А	П
С	Н	С	Г	С	Р	С	Р	А	Н	И	Р	С	Р
М	Д	М	А	К	Е	Т	О	Н	Е	Т	Н	А	Е
О	А	О	Р	О	Ш	О	Л	Д	Р	У	У	Т	Л
Н	Л	Д	И	Н	К	К	Ё	Е	А	Р	К	У	Ь
А	Ы	Р	Н	А	О	У	В	Ч	Ф	Г	Н	Р	Ф
В	К	О	Ш	В	В	К	Ю	С	Я	Ш	Г	Н	Й
Т	О	М	П	Т	А	Ф	Ж	М	А	З	А	В	Ь
И	К	Е	М	Ы	Т	В	Д	И	Р	Ж	Ч	А	Б

В.СМИРНОВ ямдылен.

Ойыртемалтше шырчык омартам палемдыза.



Тушто-влак

Айдеме огыл –
пӧртыштӧ ила,
кочкышым
пасушто
кычалеш.

Шкеже пеш изи
гынат, но пыл
лоҥгашкат
кӱзен
кертеш.



Чын ушыза.



12 апрель – Авиацийын да космонавтикын
тӱнямбал кечышт.



Мыняр
космонавт
кочкеш?


Кӧ мала?

Кудо
космонавт
эн куаныше?

Шотлыза.

7 +4 □	6 +6 □	8 +3 □	2 +5 □	4 +6 □
--------------	--------------	--------------	--------------	--------------

Ик шырпым верже дене ваштален, чын
ваш-
мутым
ышты-
за.



Интернетысе сӱрет-влакым кучылтмо.